

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

|                       |           |           |             |
|-----------------------|-----------|-----------|-------------|
| Primijeno: 16-01-2023 |           |           |             |
| Org. jed.             | Kl. ozna. | Red. broj | Br. priloga |
| 01                    | 04        | 112/23    |             |

Broj: 02-04-109/23-AP-3  
Datum: 16.01.2023. godine

GRADSKO VIJEĆE ZAVIDOVIĆI  
n/r PREDSJEDAVAJUĆI GRADSKOG VIJEĆA

PREDMET: Prijedlog odluke o osnovama i načinu isplate naknada i drugih primanja  
Vijećnika i članova radnih tijela Gradskog vijeća Zavidovići, dostavlja se

U prilogu akta dostavljam Vam Prijedlog odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići.

Prijedlog odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići sa obrazloženjem gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22).

S poštovanjem.

Dostavljeno:

1. Naslovu,
2. U spis.



GRADONAČELNIK

doc.dr. Hašim Mušanović

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO VIJEĆE  
Stručna služba Gradskog vijeća  
Broj: 01-04-4/23-AP-6  
Datum: 12.01.2023. godine



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

|              |              |           |             |
|--------------|--------------|-----------|-------------|
| Primljeno: ✓ | 13 -01- 2023 |           |             |
| Org. jed.    | Kl. ozna.    | Red. broj | Bz. priloga |
|              |              |           |             |

GRADONAČELNIK  
doc. dr. Hašim Mušanović

PREDMET: Prijedlog Odluke o visini naknada vijećnicima i članovima radnih tijela  
Gradskog vijeća Zavidovići, dostavlja se.

Programom rada Gradskog vijeća Zavidovići („Službeni glasnik Grada Zavidovići“, broj: 8/22), u prvom kvartalu januar – april, za mjesec januar 2023. godine, pod tačkom 9. planirano je razmatranje Prijedloga Odluke o visini naknada vijećnicima i članovima radnih tijela Gradskog vijeća Zavidovići. Ovlašteni predlagatelj navedenog materijala je Gradonačelnik.

Na osnovu člana 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Stručna služba Gradskog vijeća je pripremila Prijedlog Odluke o visini naknada vijećnicima i članovima radnih tijela Gradskog vijeća Zavidovići, koji Vam u prilogu dopisa dostavljamo.


S poštovanjem.

PRILOG: Prijedlog Odluke o visini naknada vijećnicima i članovima radnih tijela Gradskog vijeća Zavidovići.

DOSTAVLJA SE:

1. Naslovu,
2. U spis.

SEKRETAR  
GRADSKOG VIJEĆA  
Pinjić Samira, dipl. pravnik





Broj: 02-04-109/23-AP-2  
Datum: 16.01.2023. godine

Na osnovu člana 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Gradsko vijeće Zavidovići na sjednici \_\_. održanoj dana \_\_01.2023. godine, donijelo je

## ODLUKU

o osnovama i načinu isplate naknada i drugih primanja  
Vijećnika i članova radnih tijela Gradskog vijeća Zavidovići

### Član 1.

Ovom Odlukom utvrđuje se visina i način isplate naknada za obavljanje vijećničke funkcije u Gradskom vijeću Zavidovići (u daljem tekstu: Vijeća) i naknade za rad članova radnih tijela Vijeća.

### Član 2.

Pravo na naknadu po ovoj Odluci pripada vijećnicima kada prisustvuju sjednicama Vijeća ili kada vrše određene poslove za potrebe Vijeća.

### Član 3.

Naknada u smislu člana 2. ove Odluke obuhvata:

- a) mjesečna naknada vijećnika (paušal);
- b) naknada vijećnicima za prisustvo sjednicama Vijeća;
- c) naknada članovima radnih tijela za prisustvo i učešće u radu radnih tijela Vijeća.

### Član 4.

- (1) Vijećnici imaju pravo na dnevnicu i ostale troškove službenog putovanja u visini i pod uslovima propisanim za uposlenike gradskih organa uprave.
- (2) Nalog za službeno putovanje, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

### Član 5.

- (1) Pravo na dnevnicu i naknadu troškova noćenja u visini utvrđenoj u članu 4. pripada i članovima radnih tijela Vijeća, kada svoju dužnost kao članovi tih tijela obavljaju van područja Grada Zavidovići.
- (2) Nalog za službeno putovanje članovima radnih tijela Vijeća, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

Član 6.

- (1) Vijećnicima pripada mjesečna naknada u paušalnom iznosu u visini od 250,00 KM (slovima: dvijestotinepedeset KM).
- (2) Vijećnicima pripada i naknada za prisustvo i učešće u radu Vijeća u visini od 250,00 KM (slovima: dvijestotinepedeset KM).

Član 7.

Predsjedavajućem Vijeća pripada mjesečna naknada u paušalnom iznosu od 500,00 KM (slovima: petstotina KM), kao i naknada za učešće u radu Vijeća u visini od 300,00 KM (slovima: tristotine KM), po održanoj sjednici.

Član 8.

- (1) Članu radnog tijela Vijeća za rad i prisustvo sjednici, pripada naknada u visini 50,00 KM (slovima: pedeset KM).
- (2) Predsjedniku radnog tijela Vijeća pripada naknada za rad i prisustvo sjednici u visini od 70,00 KM (slovima: sedamdeset KM), po održanoj sjednici komisije.

Član 9.

- (1) Evidenciju prisustva vijećnika i članova radnih tijela, sjednicama Vijeću, odnosno sjednicama radnih tijela, vrši Stručna služba Gradskog vijeća.
- (2) Obračun i isplatu naknada vijećnicima i članovima radnih tijela, vrši Služba za upravu finansija, budžet i trezor na osnovu dostavljenih evidencija, svakog narednog mjeseca za prethodni mjesec, zavisno od raspoloživih sredstava za ove namjene predviđene u Budžetu Grada Zavidovići.

Član 10.

- (1) Vijećnik koji bez najave Predsjedavajućem Vijeća ili bez opravdanog razloga napusti sjednicu, neće biti uplaćena naknada za prisustvo sjednici koju je bez najave ili opravdanog razloga napustio.
- (2) Vijećniku iz stava (1) ovog člana, neće biti uplaćena naknada za prisustvo sjednici na osnovu pisanog zahtjeva Predsjedavajućeg Vijeća.

Član 11.

Stupanjem na snagu ove Odluke prestaje da važi Odluka o osnovima i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).

Član 12.

Ova Odluku stupa na snagu prvog narednog dana od dana objave u „Službenom glasniku Grada Zavidovići“, a primjenjivati će se od 01.01.2023. godine.

PREDSJEDAVAJUĆI  
GRADSKOG VIJEĆA

(po ovlaštenju Gradskog vijeća)

broj: 01-04-3088/22-AP-6 od 29.12.2022. godine

Šemsudin Skejić, dipl. ing. maš.

## O B R A Z L O Ž E N J E

### I - PRAVNI OSNOV DONOŠENJA ODLUKE

Pravni osnov za donošenje Odluke o dopunama Poslovnika o radu Gradskog vijeća Zavidovići, sadržan je u član 16. stav (1) Privremene Statutarne Odluke Grada Zavidovići, koji glasi: „(1) Statut, svi drugi akti i obilježja uskladiti će se sa ovom Odlukom i Zakonom u roku od 12 mjeseci od dana stupanja na snagu Zakona o uspostavljanju Grada Zavidovići.“

Član 18. Privremene Statutarne Odluke Grada Zavidovići, glasi:

„18.

(Primjena Poslovnika o radu Općinskog vijeća Zavidovići)

Na rad Gradskog vijeća i njegovih radnih tijela, primjenjivat će se odredbe važećeg Poslovnika o radu Općinskog vijeća Zavidovići, ako nisu u suprotnosti sa Zakonom o Gradu Zavidovići, Zakonom o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09).“

Člana 22. Statuta Općine Zavidovići, glasi: „Općinski vijećnici imaju, u skladu sa općinskom odlukom, pravo na naknadu i naknadu troškova, koji su nastali u vezi sa radom u Općinskom vijeću.“

Člana 15. Poslovnika o radu Gradskog vijeća Zavidovići – novi prečišćeni tekst, glasi: „Vijećnik ima pravo na naknadu za rad i naknadu troškova koji su nastali u vezi sa radom u Vijeću, u skladu sa odlukom Gradskog vijeća.“

### II - RAZLOZI ZA DONOŠENJE ODLUKE

Programom rada Gradskog vijeća Zavidovići („Službeni glasnik Grada Zavidovići“, broj: 8/22), planirano je razmatranje Prijedloga Odluke o visini naknada vijećnicima i članovima radnih tijela Gradskog vijeća Zavidovići, za mjesec januar 2023. godine.

Gradsko vijeće Zavidovići na 8. sjednici održanoj dana 29.12.2022. godine, usvojilo je Budžet Grada Zavidovići za 2023. godinu („Službeni glasnik Grada Zavidovići“, broj: 8/22), kojim su planirana sredstva za naknade za obavljanje vijećničke funkcije, kao i naknade za rad u radnim tijelima (stalnim i povremenim radnim tijelima) Vijeća.

### III - OBRAZLOŽENJE PRAVNIH RJEŠENJA U ODLUCI

Član 1., 2. i 3. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, u skladu sa članom 15. Poslovnika o radu Gradskog vijeća Zavidovići – novi prečišćeni tekst, utvrđuje se pravo na naknadu i naknadu troškova, koji su nastali u vezi sa radom u Gradskom vijeću.

Član 4. i 5. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, vijećnici imaju pravo na ostale troškove koji nastanu u vezi sa radom u Vijeću, za obavljanje posla za potrebe Vijeća i radnih tijela Vijeća van Grada Zavidovići, naknada će se isplatiti u visini i pod uslovima propisanim za uposlenika gradskih organa uprave. Postupak za izdavanje putnog naloga i odobrenja za korištenje vlastitog automobila odobrava Gradonačelnik na zahtjev Predsjedavajućeg Vijeća..

Član 6. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu paušala i naknade



po sjednici za vijećnike. Visina paušala od 250,00 KM ista je u odnosu na važeću odluku, nije mijenjana. Visina naknade po sjednici po važećoj odluci iznosi 150,00 KM, a u Prijedlogu Odluke, ista je uvećana za 100,00 KM i iznosi 250,00 KM, što je planirano u Budžetu Grada Zavidovići za 2023. godinu.

Član 7. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu paušala i naknade po sjednici za predsjedavajućeg Vijeća. Visina paušala od 500,00 KM ista je u odnosu na važeću odluku, nije mijenjana, a visina naknade po sjednici po važećoj odluci iznosi 200,00 KM, a u Prijedlogu Odluke, ista je uvećana za 100,00 KM i iznosi 300,00 KM, što je planirano u Budžetu Grada Zavidovići za 2023. godinu.

Član 8. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, utvrđuje visinu naknade za članove radnih tijela (stalnih i povremenih radnih tijela) Vijeća, u visini 50,00 KM, što je u odnosu na važeću odluku 10,00 KM više, a za predsjednika radnog tijela 70,00 KM, što je u odnosu na važeću odluku više za 20,00 KM, što je planirano u Budžetu Grada Zavidovići za 2023. godinu.

Član 9. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, propisuje zaduženja kod vođenja evidencija o prisustvu vijećnika i članova radnih tijela, kao zaduženja za obračun i isplatu naknada.

Član 10. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, propisuje da vijećnik koji bez najave Predsjedavajućem ili bez opravdanog razloga napusti sjednicu, neće biti uplaćena naknada za prisustvo sjednici, a isto je predloženo u kao preventivna mjera.

Član 11. Prijedloga Odluke o osnovama i načinu isplate naknada i drugih primanja Vijećnika i članova radnih tijela Gradskog vijeća Zavidovići, odnosi se na završne odredbe, kojima se stavlja van snage Odluka o osnovama i načinu isplate naknada i drugih primanja Vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).

#### IV - FINANSIJSKA SREDSTVA

Za realizaciju predmetne Odluke planirana su sredstva u Budžetu Grada Zavidovići za 2023. godinu ( „Službeni glasnik Grada Zavidovići“, broj: 8/2023).


Obradila:

(Samira Pinjić)

GRADONAČELNIK

doc. dr. Hašim Mujanović





**Komisija za Statut i propise**

Broj: 01-04-112/23-AP-2

Datum: 19.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Komisija za Statut i propise na 15. sjednici održanoj dana 19.01.2023. godine, razmatrala je Prijedlog Odluke o visini naknada vijećnicima i članovima radnih tijela Gradskog vijeća Zavidovići, pa nakon rasprave donijela

## **ZAKLJUČAK**

1. Komisija za Statut i propise smatra da je Prijedlog Odluke o visini naknada vijećnicima i članovima radnih tijela Gradskog vijeća Zavidovići, u skladu sa zakonom i drugim propisima.

2. Komisija za Statut i propise podnosi amandmane na Prijedlog Odluke o visini naknada vijećnicima i članovima radnih tijela Gradskog vijeća Zavidovići, kao slijedi:

### **Amandman I**

U članu 7. Prijedlog Odluke o visini naknada vijećnicima i članovima radnih tijela Gradskog vijeća Zavidovići, iza stava (1) dodaje se novi stav (2) koji glasi:

„ (2) U slučaju odsutnosti predsjedavajućeg Vijeća, naknada iz predhodnog stava ovog člana pripada licu koje predsjedava sjednicom Vijeća.“

### **Amandman II**

U članu 8. Prijedlog Odluke o visini naknada vijećnicima i članovima radnih tijela Gradskog vijeća Zavidovići, iza stava (2) dodaje se novi stav (3) koji glasi:

„ (2) U slučaju odsutnosti predsjednika radnog tijela Vijeća, naknada iz stava (2) ovog člana pripada licu koje predsjedava sjednicom radnog tijela Vijeća.“

### **O b r a z l o ž e n j e**

Komisija za Statut i propise predlaže Vijeću da predmetnom Odlukom, u skladu sa članom 27., 28. 32. stav (3) i (4) i 38. stav (1) Poslovnika o radu Gradskog vijeća Zavidovići – novi prečišćeni tekst, propiše pravo na naknadu za lice koje predsjedavaju sjednicom Vijeća, odnosno sjednicom radnog tijela Vijeća (zamjenik predsjedavajućeg Vijeća ili vijećnik kojeg odredi Vijeće da predsjedava sjednicom Vijeća ili zamjenik predsjednika radnog tijela ili član radnog tijela) u slučaju odsutnosti li spriječenosti predsjedavajuće Vijeća ili predsjednika radnog tijela, što smatra adekvatnom naknadom za obavljeni posao.

3. Komisija za Statut i propise smatra da je Prijedlog Odluke o visini naknada vijećnicima i članovima radnih tijela Gradskog vijeća Zavidovići, pripremljen u skladu sa članom 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19) i članom 15. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22).

4. Komisija za Statut i propise smatra da je Prijedlog Odluke o visini naknada vijećnicima i članovima radnih tijela Gradskog vijeća Zavidovići, pripremljen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

5. Prijedlog Odluke o visini naknada vijećnicima i članovima radnih tijela Gradskog vijeća Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

6. O realizaciji ovog zaključka starat će se Stručna služba Gradskog vijeća.

ZAMJENIK PREDSJEDNIK KOMISIJE

Amir Turšić, dipl. pravnik







**Komisija za budžet, finansije i  
ekonomska pitanja**

Broj: 01-04-112/23-AP-3

Datum: 19.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići - („Službeni glasnik Grada Zavidovići“, broj: 7/22), Komisija za budžet, finansije i ekonomska pitanja na 11. sjednici održanoj dana 19.01.2023. godine, razmatrala je Prijedlog Odluke o visini naknada vijećnicima i članovima radnih tijela Gradskog vijeća Zavidovići, pa nakon rasprave donijela

## ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o visini naknada vijećnicima i članovima radnih tijela Gradskog vijeća Zavidovići.

2. Komisija za budžet, finansije i ekonomska pitanja konstatuje da su za realizaciju predmetne Odluke u Budžetu Grada Zavidovići za 2023. godinu („Službeni glasnik Grada Zavidovići“, broj: 8/22), planirana sredstva na Transferu „Izdaci za naknade vijećnicima“, u iznosu od 210.000,00 KM i na Transferu „Izdaci za rad komisija – Naknada članovima komisija koje imenuje Gradsko vijeće“, u iznosu od 50.000,00 KM.

3. Prijedlog Odluke o visini naknada vijećnicima i članovima radnih tijela Gradskog vijeća Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike

